



बी कीती। इस मौके उप्पर उ'नें 1000 करोड़ रुपें जारी कीते ते Neo Innovative Enterprises दे लाभार्थियें दे कन्नै-कन्नै 3 जहार 3 वितरण मामलें दे तैहत कवर कीते गेदे लोके च बी चैक बंडे।



### **Mahavir Jayanti**

24में ते अखीरी जैन तीर्थाकर भगवान महावीर जी दी जयंति दा पावन त्योहार अज्ज पूरे देसै च बड़े उत्साह ते भक्ति-भाव कन्नै मनाया जा'रदा ऐ। महावीर जयंति जैन समुदाय आस्तै इक शुभदिन मनेया जंदा ऐ ते एह ध्याड़ा उन्दे धार्मिक जीवन च बड़ा महत्व रक्खदा ऐ। भगवान महावीर दे अनुयायी इस दिन पूजा-पाठ करदे न ते रथ यात्रा झाकियें च हिस्सा लेंदे न। टकराव ते अराजकता दे इस दौर च भगवान महावीर हुंदी अहिंसा- सत्य- करुणा दी शिक्षां साढ़ी बत गी होर बी सौक्खा करदियां न।



### **LG- CM Greetings**

उपराज्यपाल मनोज सिन्हा होरें महावीर जयंति दे पावन अवसर पर सारें गी शुभकामनां दितियां न। अपने इक सनेह च उपराज्यपाल होरें आखेआ जे भगवान महावीर जयंति दे इस शुभ मौके पर में सारें गी हार्दिक शुभकामनां दिन्नां। उनें आखेआ जे भगवान महावीर हुंदी अहिंसा- सत्य- करुणा ते नम्रता दी शिक्षां मनुक्खता आस्तै इक मार्गदर्शक दे रुपै च कम्म करदियां न। एल.जी. सिन्हा होरें आखेआ जे आओ अस सारे इस शुभ ध्याड़े पर भगवान महावीर हुंदे आदर्श पर चलिए लोकें दे उत्थान ते समाज दी भलाई आस्तै निस्वार्थ भाव कन्नै कम्म करने दा संकल्प लैचे।



### **LG- CM Greetings**

मुख्यमंत्री उमर अब्दुल्ला होरें बी अज्ज “महावीर जयंति” दे शुभ मौके पर लोकें गी शुभकामनां दिंदे होई सारे दी सुख-शांति ते समृद्धि दी कामना कीती। अपने इक संदेश च मुख्यमंत्री होरें आखेआ जे जम्मू-कश्मीर च एकता ते सौहार्द दे इस माहौल च बक्ख-बक्ख त्योहारें गी मनाने दी इक समृद्ध परम्परा ऐ। उ'नें लोकें गी इस परम्परा गी होर मजबूत करने लेई आखेआ। उपमुख्यमंत्री सुरिंदर चौधरी होरें बी महावीर जयंति दे शुभ मौके पर लोकें गी हार्दिक शुभकामनां

दितियां न। उ'नें आखेआ जे एह त्योहार खास तौरा पर जैन समुदाय दे लोकें लेई धार्मिक ते संस्कृतिक महत्व रक्खदा ऐ। उपमुख्यमंत्री होरें भगवान महावीर हुंदी शिक्षाएं पर लौऽ पांदे होई आखेआ जे उन्दी शिक्षा समाज- समुदायें च भाई-चारा सौहार्द ते आपसी सम्मान गी मजबूत करने दा कम्म करदियां न।



### LG- Foundation Day

जम्मू-कश्मीर लोकभवन जम्मू च कल राजस्थान स्थापना दिन मनाया गेआ ते इक अप्रैल गी Odisha दिवस Utkala दिवस मनाया जाग। इस मौके पर सभा गी सम्बोधित करदे होई उपराज्यपाल मनोज सिन्हा होरें राजस्थान ते ओडिशा दे लोकें गी शुभकामनां दितियां न। उ'नें आखेआ जे शूरवीरें दी धरती राजस्थान नै समाज दे कमजोर लोकें ते मनुक्खता दे उत्थान दा कम्म कीता ऐ। इयां गै ओडिशा दी समृद्ध विरासत नै भारत दी चेतना ते दर्शन गी बी आकार दिता ऐ। उ'नें एह बी आखेआ जे इनें दौनें राज्यें दी विविधता ते प्राचीन मुल्यें लोकें गी प्रेरित कीता ऐ। उपराज्यपाल होरें राजस्थान दी भाशा ते सांस्कृतिक विविधता गी उजागर करदे होई आखेआ जे हिंदी- मारवाड़ी- हडोती- मेवाड़ी- मेवाती ते पंजाबी जनेही भाशाएं किस चाल्ली इसदी साहित्यिक ते संस्कृतिक परम्परा गी समृद्ध कीता ऐ। एल.जी सिन्हा होरें ओडिशा दी संस्कृतिक आध्यात्मिक ते कलात्मक परम्पराएं बारे बी आखेआ। एल.जी मनोज सिन्हा होरें दौनें राज्यें दियें महान हस्तियें गी श्रद्धांजलि दिती ते राष्ट्र निर्माण च उन्दे योगदान गी चेता कीता।



### Sakina –JK BOSE

शिक्षा- समाज कल्याण- सेहत ते मैडिकल शिक्षा मंत्री स्कीना इतू होरें कल जम्मू-कश्मीर स्कूली शिक्षा बोर्ड गी निर्देश दिते जे ओ ओहके निजि स्कूलें दे खिलाफ सख्त कार्यवाही करै- जेड़े मनमाने ढंगे नै फीसां बधा'रदे न। तयशुदा नियमें-कायदे दी उल्लंघना करा'रदे न ते बच्चें दे माता-पिता पर आर्थिक भार बधांदे न-

शिक्षा मंत्री होरें कल सिविल सचिवालय च जम्मू-कश्मीर स्कूली शिक्षा बोर्ड च इसलै चला'रदे शैक्षणिक सुधारें- प्रशासनिक कारकरदी ते उपलब्धियें दा व्यापक जायजा लैने लेई लाई दी इक मीटिंग दी अध्यक्षता करदे होई आक्खी। मीटिंग दौरान मंत्री होरें औने आहले इम्तेहानें गितै बोर्ड आसेया कीती गेदी तयारी- नतीजें दी बेल्लै सिर घोषणा- पाठयक्रम दी अमलावरी ते शकैतें दे नबटारे आहले तंत्र दा बी जायजा लैता।

मंत्री होंरें कम्म-काजें च पारदर्शिता गी बधाने आस्तें ते स्कूलें ते बोर्ड बशकार तालमेल लेई तकनीकी दा इस्तेमाल करने दी जरूरत पर जोर पाया। विद्यार्थियें दे शैक्षिक भविष्य गी आकार देने च बोर्ड दी अंह भूमिका दी महता बारें दसदे होई उंनं म्यार दे मानकें दी सखती नै पालमा करने ते सब्बनं प्रशासनिक सतहें पर जवाबदेही यकीनी करने दे निर्देश दिते। उंनं आखेआ जे JKBOSE गी विद्यार्थियें पर केन्द्रित निरपक्ख पहुंच आहले ते बेहतरीन शिक्षा सरिस्तें गी पक्का करना होग।



### **Sakina -GGH**

सेहत ते चिकित्सा शिक्षा मंत्री स्कीना इत्तू होंरें कल सदन गी दस्सेआ जे सरकारी अस्पताल गांधीनगर जम्मू दी सब्बनं सेवा जियां OPD- IPD-OT ते लेबर रुम गी इसै अस्पताल दे परिसर च बनी दी 200 बिस्तरें आहली MCH इमारत च सतम्बर 2025 कोला मुंतकिल करी दिते दा ऐ। मंत्री होंरें एह गल्ल विधान सभा च विधायक विक्रम रंधावा हुंदे आसेआ गांधीनगर अस्पताल सरबंधी इक सवाल दा परता दिंदे होई आक्खी। मंत्री होंरें दस्सेआ जे इसलै जगह दी कमी दे चलदे 200 बिस्तरें आहली MCH इमारतें च इनें सेवाएं लेई तकरीबन 50 बिस्तर गै रक्खे गेदे न ते बाकी सेवाएं दा प्रबंधन GMC जम्मू दे तालमेल कन्ने कीता जंदा ऐ तांजे चिकित्सा दिक्खभाल गी यकीनी बनाना जाई सकै।



### **CS- Homestay**

मुख्य सचिव अटल डुल्ल होंरें सैलसफा विभाग दी होम-स्टे नीति दी अमलावरी दा जायजा लैने ते उसी तगड़ा करने लेई लाई गेदी इक मीटिंग दी अध्यक्षता कीती। मीटिंग दौरान उंनं आखेआ जे जम्मू-कश्मीर दे सब्बनं जिलें च होम-स्टे आहली बवस्था दे बाददे विकास लेई सैहल संस्थागत दोआर उपलब्ध कराने पर जोर पाया। इस दौरान उंनं सैलसफा विभाग आसेआ होमस्टे दे विकास लेई शुरु कीती गेदियें पैहलकदमियें दा व्यापक जायजा लैता। उंनं आखेआ पंजीकरण आहली प्रक्रिया सैहल पारदर्शी ते पूरी चाल्ली पहुंच दे अंदर होनी लोड़चदी। उंनं आखेया जे उद्यमियें लेई सखल्ले दोआर उपलब्ध होना लोड़चदा। उंनं होमस्टे दी समर्थ बारे दस्सदे होई आखेआ जे एह सतत विकास ते स्थानीय रोजगार पैदा करने दी कुंजी साबत होई सकदा ऐ।



## Sheetal Devi

भारत दी शीतल देवी गी विश्व प्रतियोगिता च ऐतिहासिक जित सने होरनें उत्कृष्ट उपब्धियें गितै विश्व तीरअंदाजी आसेआ Para- Archer of the Year 2025 गितै नामित कीता गया ऐ। जम्मू-कश्मीर थमां 19एं बरे दी शीतल देवी बगैर बावें आली पैहली महिला तीरअंदाज ऐ जिन्नै विश्व पैरा तीरअंदाजी प्रतियोगिता च सुन्ने दा तगमा जितेआ ते दक्खन कोरिया दी Gwangju थाहर महिला काम्पउंड वर्ग च शीर्ष थाहर हासल कीती। उन्नै प्रतियोगिता च टीम वर्ग च चांदी दा ते मिक्सड टीम वर्ग च कै दा तगमा बी हासल कीता। दौने बावें थमां महरूम शीतल देवी अपनी लत्ते-पैर ते मूँडे दा इस्तेमाल करियै तीरअंदाजी करदियां न। उनें पैरिस ओलम्पिक च मिक्सड टीम वर्ग च कै दा तगमा- एशियन पैरा गैम्स ते एशियन प्रतियोगिता च चांदी दा तगमा बी जितेआ ऐ।



## Satish Sports

युवा सेवा ते खेड्ड मंत्री सतीश शर्मा होरें कल जम्मू-कश्मीर च युवा सशक्तिकरण ते उन्दे बाददे विकास लेई खेड्ड सैक्टर च नर्मी जान पाने दे सरकार दे ध्येइये गी फही पक्का कीता। कल भगवती नगर दे इंडोर हॉल च 19मीं जम्मू-कश्मीर वुशु चैम्पियनशिप दे समापन समारोह दी अध्यक्षता करदे होई उनें जम्मू-कश्मीर गी इक खेड्ड केन्द्र बनाने दे अपने ध्येइये ते सोच गी बांदा कीता। उनें आखेआ खेड्डें राएं नौजवानें दे विकास गी सरकार प्राथमिकता देआ रदी ऐ। सतीश शर्मा होरें जम्मू जिले दी टीम गी चैम्पियनशिप जितने पर मुबारकबाद दिती। उनें श्रीनगर जिले गी दूई थाहरै पर औने लेई ते खेलो इंडिया सैन्टर जम्मू गी अपनी बेहतरीन कारकदगी दस्सने लेई उन्दी सराहना कीती। उनें आखेआ खेड्डें च छड़ी प्रतियोगिता गै नैई हूंदी सगुआं ए समाज दे बदलाव- अनुशासन ते सशक्तिकरण दी इक कूजी ऐ।



## Census -2027

सरकार नै 2027 बरे आली मरदमशुमारी दे पैहले गेइ दौरान 33एं सोआलें पर आधारित इक सैट नोटिफाई कीता ऐ। कल नर्मी दिल्ली च इक प्रैस कांफ्रेंस गी सम्बोधित करदे होई भारत दे रजिस्ट्रार जनरल ते Census कमीशनर मृत्युजंय कुमार नारायण होरें जानकारी दिती जे मरदमशुमारी दंऊ मरहलें च कीती जाग। पैहले मरहले तैहत घरें-मकानें ते स्वगणना दी फहरिस्त जारी कीती जाग। पैहला मरहला पैहली अप्रैल थमां 30 सितम्बर तककर चलोग- जियां के राज्यें ते संघ शासित

प्रदेशे आसेया निर्धारित कीता गया ऐ। कमीशनर हों दसेया जे स्वगणना आली स्थूलत 15एं दिने लेई पैहली अप्रैल थमां 31 अगस्त तककर करना तय कीती गेदी ऐ।

उने आखेआ जेल्लै सब्बै राज्य ते केन्द्र शासित प्रदेश स्वगणना पूरी करी लैगंन- ओदे मगरा घरे-मकाने दी फहरिस्त 30एं दिने दी अवधि च 30 सितम्बर तककर चलोग। उने आखेया स्वगणना पोर्टल 16एं भाषाएं च उपलब्ध रौहग। उने अगगे दस्सेया जे पैहले मरहले लेई सोआल नोटिफाई करी दिते गेदे न त दूए मरहले दे सोआल बी तौले गै शायी करी दिते जागंन। श्री नारायण हों दस्सेआ जे जाति पर आधारित मरदमशुमारी Census दे दूए मरहले तैहत करोआई जाग।



### **Census-2027 Training**

2027 बरे आहली मरदमशुमारी दे पैहले मरहले लेई जेदे तैहत घरे-मकाने दी सूची तयार कीती जाग। कल जागतें ते सरकारी हायर सकेन्द्री स्कूल राजौरी च त्रंऊ दिने दा इक सखलाई प्रोग्राम शुरु कीता गया। इस सखलाई प्रोग्राम दा आयोजन मुख Census अधिकारी डिप्टी कमीशनर अभिशोक शर्मा ते जम्मू-कश्मीर दे मरदमशुमारी निदेशालय ते योजना विभाग दी पूरी चाल्ली निगरानी च कीता जा'रदा ऐ। इस प्रोग्राम दा आयोजन जिले दे आकंडें आहलें विभाग आसेया कीता जा'रदा ऐ। इस सखलाई दा मकसद Census दौरान इस्तेमाल होने आले सिद्धांतें दी समझ ते उने'गी प्रयोग करने बारे एह कम्म तोढ़ चाढ़ने आहले गी लैस करना ऐ। सखलाई लै'रदे सखेतुएं गी सम्बोधित करदे होई मुख मरदमशुमारी अधिकारी हों मरदमशुमारी आहली इस प्रक्रिया दी महत्ता बारे दस्सदे होई इसगी योजनाएं दे निर्माण नीति निर्माण ते असरदार प्रशासन लेई इक कुंजी दस्सेआ।



**Read by : Pawan Verma and Promila Jamwal**  
**D.E.O : Rajni Devi**  
**Skilled : Rajat Paul**  
**Editor : Ashok Kumar Mota**